

Cartas nordic

Un serie de photos de locationes in le pais nordic
– e lor historia narrate in alcun lineas in interlingua como inspiration.



■ **Kulhuse, Danmark:** “Torna le signo pro advocar le ferry-boat” se scribe. E litteralmente on debe manualmente tornar le tenue barra, assi que le placa monstra non le blanc ma le rubie latere verso le ferry-boat. Illo es actualmente al altere ripa del parve stricto inter le villages Kulhuse e Søluger al fiord Isefjorden in le nord del grande insula danese Selandia. “Columbus” se appella le ferry-boat de 1947. Illo ha spatio pro octo autos e 70 passageros e es parte de “Le 4 ferry-boats” que face possibile vehicular tote le via circum le fiord, i.a. passante le insula Orø. Le billetes costa quasi nihil. On pote sin problema usar un belle die estive pro le experientia.
Texto e photo: Thomas Breinstrup

Interlingua – communication sin frontieras
www.interlingua.dk | www.interlingua.com

© 2024

Questiones

1. Como advoca on le parve ferry-boat?

2. Quante spatio ha “Columbus” pro passageros e autos?

3. De qual pais es le bandiera sur le photo?
Describe le bandiera, per favor.

4. Reguarda le photo e describe lo que tu vide.

5. Le ferry-boat naviga in un fiord – ma que es un fiord? Describe su characteristics.
